

欽定大清會典事例

欽定大清會典事例卷五百四十

樂部

樂章 鏡歌大樂

鏡歌大樂○

巡幸

大清朝第一

大清朝景運隆。肇興俄朵。奄有大東。鵲銜果。

神靈首出。壹戎衣。龍起雲從。解一雷動奏膚功。舉松山拔。

杏山如捲秋蓬。天開長白雲。地感凌河凍。混車

書。山河一統。聲靈四訖。萬國來修貢。解二

皇宅中垂統。瓜瓞嘽嘽。

聖繼

聖。功德兼隆。昇平頌。恬冒如天恩澤濃。  
解三人壽年豐時

雍風動荷

天之寵慶

宸游六龍早駕。一朵紅雲奉扈。

宸游六師從

幸。萬里歡聲共。  
解四

四時仗第二

御句芒。春載陽。震位峙東方。順時令。駕蒼龍。駉

吉良。見垂虹。青萍漸芳。行慶施惠。

恩波浩蕩。

解一御祝融。吞正長。南極星輝朗。駕朱路。萬

騎騰驥。贊俊傑。遂賢良。

解二葶收節。露華初降。金風

乍涼。兌列西方。戴白旗。乘戎路。移天仗。萬寶告成。

一人有慶。

天垂貺。

解三

顛帝司方。水泉始潤。天際彩虹藏。乘元路。駕

鐵驪。雲衢滉漾。萬疊明霞奉太陽。四時節物邀

歡賞。

解四

皇謨。

聖德欽無雨。舜日光天壤。花明綵仗齊。雲暖龍旗颺。

際昌時咸翹企

仙輿降際昌時咸翹企

仙輿降解五

承

天眷第三

承

天眷際風雲萬國車書奉

一人衣冠快睹唐虞盛九域抒丹悃殊荒重譯盡來

庭和氣召嘉禎解一稽古訓溯昌辰元首明哉勵

股肱一心敬怠丹書傲宵旰不遑寧日新又日

憲湯銘翼翼更欽欽。解二端不為繁華麗。錦繡春  
端不為玉樹菁蔥。太液澄喜今日調和玉燭烽  
煙靖。不敢忘百年有備軍容整。那辭得陳師鞠  
旅擁旄旌。

皇衷切。憂盛更危明。解三泰階奕奕璣衡正。功業麟兮  
炳。千春清晏歌。億載登豐慶。喜金支紛旖旎。蓬  
山境喜金支紛旖旎。蓬山境。解四

#### 貢琛球第四

琛球輸貢外藩歸化。隸版圖正朔咸尊奉。樂浪  
郡。在海東安南國。粵嶠關。蠶叢日本國。畏威震

懷琉球國奉朝請與內臣同解萬邦虎拜咸修  
高千羽何須用東風入律吹千呂青雲涌海安  
瀾更上獻河清頌海安瀾更上獻河清頌解

錦繡乾坤第五

錦繡乾坤佳麗

御世立綱陳紀

四朝輯瑞徵師濟盼

皇畿雲開雉扇移黎民引領

鑾輿至安堵邛邛颺酒旗恬熙

御鑪中靄黶瑞煙霏恬熙

御鑪中燬。黷瑞煙霏。解鸞聲咩咩來雲際。九奏韶  
鈞沸。觀光仰赤球。扈從盈朱芾。奉

皇歡。畫三接。

天顏喜。奉

皇歡。畫三接。

天顏喜。

解二

中天

盛世第六

中天

盛世寧安寧。瑞麥嘉禾表歲成。駟虞白象出郊坰。



共祝吾

皇聖。嵩嶽欣傳

萬歲聲。蕙龍佳氣滿都城。萬里黃圖鞏

帝京。衣冠文物際時亨。海隅寧謐無邊警。巷舞衢歌

樂太平。喜今日。金甌一統萬年

清徧閭閻。操縵歌風絃誦興。更郊原野蠶成繭。柘

陰輕解。時和歲稔調金鼎。鳳宸花相映。青疇麥

兩歧黃隴禾同穎。屬車臨喜

萬歲聲。遙應屬車臨喜

萬歲聲。遙應

奉

宸歡第七

奉

宸歡

天軍厚。風光輦路浮。遐阡通陌都是黃雲覆。羽蓋春旗。  
編璘似繡。正田家作苦。勸耕時。休馳驟。金鐙鞭。  
敲豹尾。懸車後。藏富於民。於民藏富。

晴開五雲第八

晴開五雲移

翠輦。臣庶咸歡忭。載見兮載見。懷遠復懷遠。

聖人朝綬雲歌復旦。解際中天一氣鴻。鈞轉習習和  
風扇。龍津燕影低柳陌。鶯聲轉。望龍旌迢遞過  
晴嶽。望龍旌迢遞過晴嶽。解二

瑞雲籠第九

綵仗瑞雲籠。度晴巒幾重。金鑪高擁。香煙浮動。  
杳靄大夫松。和鸞到處。和鸞到處。百靈從。玉檢  
金泥。編珠毓貺。不數漢家封。

駕六龍第十

駕六龍御翠華

帝德光天下。薄海內。總一家。四徵外。正朔加。者聲靈

赫濯被四表。暨荒遐。

扈翠華第十一

扈翠華兮載馳。御

帝車兮載脂。命風伯兮叱雲師。灑道兮如絲。清飈兮  
應時。

四時念第十二

仲春時。司馬教振旅。喜韶和。綠萋芳草滋。平楚  
執鏡執鐸。兼賁鼓。盤旋處。如組還如舞。解念春  
日。萬彙初榮。臘况田家負耒牽牛。方作苦。解置  
去絡仍弛。罷。

天心祐。應節彌甘露。

解仲夏時。司馬教菱舍。暢恢台。結

蘆茂草披平野。名州名邑驅征馬。行圍罷落日

征袍卸。解念夏日。赤輪炎似炙。况我民體足需

塗泥沒踝。櫛風沐雨無晨夜。休屨駕。沖默居臺

榭。解仲秋時。司馬教治兵。喜颯爽。金風初勁角

弓鳴。載旗載旒。牙旛旌。戢軍營。萬寶正秋成。解

念秋日。氣爽又風清。况郊原。農事方終稼。既成

用遵周禮。詰戎兵。望龍旌。壺漿父老迎。解仲冬

時。司馬教大閱。止平郊。獸肥草淺寒威冽。建旗

樹表疏行列。多惟悅。誰道表如鐵。解念冬日。一

陽初動脈。况

南郊。陶匏明水。將誠潔。草甲方萌芽。未茁。

居金闕。萬國來朝謁。解八

壯軍容第十三

壯軍容。威四方。礪戈矛。森甲仗。剖文犀。七屬爛。

如銀帶。鮫函堆。璨難名。狀者的是。金城保障。解一

有純鉤。巨闕和。盤郢魚腸。更有湛盧紫電。承影。

含光。又豪曹似水。素質如霜。賽莫邪干將。解二官

笥最精良。象弭魚服。竹箭弧桑。更紅翎白鐵。飲

羽危梁。控弦徹札。有猿臂軍中飛將。解三潤銛鋒

鸞鷟初瑩。鎔堇錫龍雀成雙。文似靈龜象伴白  
虎是靈寶亦曰含章。比昆吾切玉百鍊純鋼。四解  
垂氏弦木。壓弧斯楸。冬幹春膠。烏號繁弱。明月  
當瑚朗九合既成。二弓交彘。解振金鏡鳴金鐻。  
畫角悠揚。月明時。風靜夜。清吹還三唱。踴躍軍  
心壯。似鳳鳴。又如鶴唳。更籌響。刁斗傳千帳。六解  
表和門。旌旆揚。象七星。建九旒。置九章。錯翡翠  
鸞鳳煒煌。曳招搖。韜素錦。黃龍大森在中央。七解  
鏤衢韋。翠羽威金梁。珊瑚鞭。瑪瑙勒。靡麗非常。

啟詳寫

盛朝不尚。但推轂求良將。雲行雷動。正正堂堂。八解

日初昇第十四

日初昇。雲光曉。旌旗暖。龍鱗耀。望雲山。紫翠千  
重。度耕隴。桑麻隱約。黎民歡樂。道餘糧棲畝。又  
長嘉苗。解不讀書。知忠孝。作與息。耕和鑿。玉泉  
流膏雨。千塍晴雲斂。炊煙萬竈。黎民歡樂。道餘  
糧棲畝。又長嘉苗。二解景融怡。風料峭。太和會。豐  
年兆。噲其饁。士女媚依。縛斯趙。曾孫迎勞。黎民  
歡樂。道餘糧棲畝。又長嘉苗。三解食

君恩深難報願



聖壽如山嶽。稼既同歧。脚高眠戶。不閉官清。訟少黎  
民歡樂。道餘糧棲畝。又長嘉苗。解翠華臨。霓旌  
導。遵平陸。登山嶠。但只見。葑屋衡茅。一个个體  
温腹飽。不知不識。日上眠方覺。惟祝

君王真有道。塵恫瘼。薄賦輕徭。敷教澤。愛親敬老。黎  
民歡樂。道餘糧棲畝。又長嘉苗。道餘糧棲畝。又  
長嘉苗。解

嘉祥曲第十五

溯嘉祥。華平朱草毓中唐。龍圖授。龜書界。擾澤  
馬。駕騰黃。延喜玉。從

天貺。屈軼草。階前長。解一睹榮光。白麟赤雁與芝房。游河

渚。赤文綠字。舒蘭葉五色成章。仙萸葉葉滋春

圃。瑞羽鏘鏘鳴女牀。亦有祥磨一角。和鳴鳳在

高岡。解二日重光。戴冠抱珥出扶桑。月重輝。星重

潤。玉繩轉。南極熒煌。竹葦露甘如釀。蒲萋風如

秋爽。解三舞鸞凰。非煙樓閣繡衣裳。寶鼎見駟虞

出。浮沆瀣。泛天漿。稽往牒。探珊瑚。陳瑞物。難名

狀。解四惟我

皇。不矜異物與殊祥。闕四門。明四目。求俊乂。顯賢良。

愛稼穡。垂旒纒。措吾民。春臺上。解五

練吉日第十六

練吉日兮撰佳辰。百僚具兮與衛陳。屏翳弭節

兮。玉宇無塵。煌煌兮斗車。奕奕兮天輪。解一

命太常兮奉牲。用昭告兮百神。潔粢盛兮肅明禋。將

展軫兮效駕。行下觀兮勤民。解二甸師清畿兮。緝

草如茵。野廬歸路兮。香霧承輪。封人設榘兮。左

城右平。掌舍具儀兮。爰象太宸。

玉輦兮鏘鏘。屬車兮隱轉。解三扇微颺兮。清懣。扈細

靄兮。朱輪備天官兮。周衛盛輿服兮。

時巡。虎賁兮肅肅。徒旅兮駢駢。解四前驅兮按部。後隊

兮如鱗。徵萬玉兮警途。詔弭策兮入神。解軼浮

景兮騰青霄。駟蒼螭兮駘絕塵。陵高行兮崿嶷

陟巒阜兮輪囷。解六仰

皇輿兮肅震。嶽獻圖兮川貢珍。若湛露之晞朝陽兮。

儼列宿之拱北辰。解七蔭華蓋兮翊句陳。綃紈綵

縑兮旗旒遠巡。配帝居之元圃兮。象太乙之威

神。解八旂旒兮霓旌。八方兮列陳。表朱兮離位。植

阜兮元冥。飛縞兮象兕。峙青兮直震。解九流星旄

電燭兮。盼垓北以無垠。九旗紛而揚旆兮。五輅

委蛇以接軫。盛天下之壯觀兮。將豐鎬之是遵。

頌高山之荒作兮仰

一久之饗

親解

謁

珠邱第十七

謁

珠邱杳靄松楸展

几筵敬仰

先猷

國家積累惟忠厚。篤公劉。解。緬。

音容。霜露春秋。設綴衣。大貝天球。氣聞俊見。如親覲。溯  
前床。解二奉犧尊。旨酒思柔。覲羹牆。蘋藻初羞。萬方玉食。  
尊親久。無須效漢代衣冠。月出游。解三

寢園展祀尊堂構。

文謨

武烈光前後。蔥龍佳氣浮。縹緲祥雲繡。億萬載升恆景。

福從

天祐。解四高山天作扶輿秀。遼海環其右。鍾祥瑞氣蟠。翊

運靈光茂。萬斯年永真定天同壽。萬斯年永真

定天同壽。解五

御黼座第十八

御黼座。肅朝儀沛宮

法駕陳元會。雲深處。天門誅蕩。太極崔巍。解一九賓設

彤闈啟。扶桑初擁。瞳矐日。傳臚句。羣僚濟濟。百

辟師師。盡呼嵩。冠帶委蛇。解二獻琛球。圖王會。呼

韓稽顙。瞻雲日。無中外。雕題鑿齒。烏弋黃支。慶

躬逢

盛世威儀。解三中天華闕。浮佳氣。締造經營。萬載基

世德念幽岐。天澤陳冠履。看到處。祥颺晡。霜。羽蓋葳蕤。

看到處。祥颺晡。霜。羽蓋葳蕤。解四

長白山第十九

長白山遠峙開原冠高峯峻極于天。境巖兮插漢千

里兮嶺岿。解一考山經曾傳不咸。稽地志亦號商

堅。唐名兮太白。有潭兮在顛。解二闔門潭萬頃迴

湍。鼓天風激濫文瀾。源深兮流廣。三江兮出焉。

解三鴨綠江流自山南。混同江北海之源。愛濔兮

東注。萬折兮千盤。解四醫無閭縹緲雲端。桃花洞

下有飛泉。嚴冬兮不冰。常燠兮無寒。解五木葉山

石磴盤桓。華表山鶴影踟躕。乳峯兮懸溜。井列

兮寒泉。解六石門谿屹立巖前。儼雙扉雲壑連綿。



迴合兮諸峯窈窕兮羣巒解七松花江波影澄鮮

北流兮並海西旋混同兮合流自古兮長川解八

遼河兮平泮狂瀾遼澤兮泥淖蹒跚布土兮為

橋既成兮孔安解九飛瀑巖瀑布常懸翠雲屏雲

影連蜷聖水兮傾盆萬松兮晝寒解十平壤城箕

子名藩大寧城漢曰新安演範兮陳疇帶礪兮

河山解十一鍾扶輿虎踞龍蟠植靈基天作高山

拱衛兮

陪京永奠兮萬年解十二

布爾湖第二十

布爾湖明如鏡。庫里山秀列雲屏。風來千頃碧。

雨過數峯青。萃扶輿淑氣是天地鍾靈。解一有

天女兮降生池畔。吞朱果兮玉質晶瑩。珍符昭合爰生

聖解二

神靈始生。即能言睿知聰明。不待學徇齊敦敏。至德莫

能名。解三日角珠庭。稽古帝握袞履已。更龍顏戴

千荷勝。歧疑總天生。解四當是時厥有三姓角雌

雄亂靡有定。蠻觸互相爭。解五汲清泉言至河濱。

見

真人如日如雲稽首共來迎。解六睹

堯眉衆姓咸驚。是非常天不虛生。葵藿早輸誠。解七念吾

曹原非好爭。今有

主得荷生成。從此戢戎兵。解八定三姓尊為

貝勒。似岐州虞芮質成。荒度始經營。解九溯從來誕聖。厥

多瑞徵華胥履迹。青雲繞身。樞星照野。虹流太

清。瑤光貫月。元鳥承嬰。載稽典籍。辭難罄。肆

皇清。

至人首出乾坤篤生。自羲昊軒農。瑞錄祥經莫與京。解十

建遼陽第二十一

建遼陽。爰築崇墉。轟金城兮萬雉。控列辟兮朝

宗遠適兮歸懷庶邦兮是同解一懼

天威爭執鞭弭歌孔邁願受

旃幟

興朝正朔咸尊奉遂荒大東解二有哈達首鼠兩端數渝

盟自外陶鎔

天兵一舉咸驚悚似草從風解三有輝發反覆不常外生

成夜郎自雄六師迅發如雷動棄甲投弓解四有

烏拉包藏禍心逞螳臂欲試卑衝戈鋌一指雕

弧控似埽虻蠊解五有葉赫憑陵負嶮似游鱗翔

洋釜中狡馬潛結朝鮮衆朝夕羽書通解六有朝

鮮僻處海濱與葉赫狼狽交通。蛩蛩甘草相承  
奉結壘似屯蜂。解閔明季陽九方丁如懸磬。杆  
袖其空。朝鮮葉赫相愚弄。勢威不知窮。解四路  
兵。倚角來侵無紀律。誰適為雄。一時烏合無奉  
勇。號令馬牛風。鞬五十萬封豕長蛇肆貪狼。非  
不恟恟。止緣逐利非心奉。臨事各西東。解恣侵  
陵師出無名我

天朝用詰兵戎堂堂八陣

天威聳落葉埽秋風

解十一

壹戎衣為救黎元曾不費蒿

矢桃弓遼陽建後金湯鞏王業首岐豐

解十二

瀋陽城第二十二

瀋陽城王氣所鍾。氤氳五綵。縹緲如龍。信佳哉。

鬱鬱蔥蔥。解一析木津。箕尾之東。上連天弁。右抱

神宮。濟津梁。霄漢垂虹。解二近北極。象逼穹窿。元

菟置郡。都護安東。越金元。頻建畿封。解三我

皇朝。氣運方隆。此惟與宅。用恢厥功。相陰陽。宅土之

中。解四維廣寧。屹屹崇墉。石梯連磴。香水春浴。十

八盤。萬樹青松。解五若旅順。臨海居衝。番彝屬集。

估舶雲從。轉南漕。天庾斯充。解六取廣寧。脣齒圻

封。惟茲旅順。亦是率從。啟鴻圖。駿烈豐功。解七左

朝鮮。右際雲中。卜維洛食。龜筮斯從。叶天人是

為大同。解帶渾河。滄海朝宗。白山控峙。石柱雲

封。是神皋。俗厚民豐。解繞西南。遼水滌滌。襟環

東北。黑水混同。壯聲靈。鎬京辟廡。解擴輿圖。北

暨烏龍。牧羝舊部。使犬遺戎。震

天威罔不祇恭。解十一念中原。民力困窮。殫輸將。比屋皆

空。干戈充斥。民無控。拯其塗炭。出水火中。會清

明。四海來同。解十二

### 鐵嶺山第二十三

鐵嶺山。峯似削。燔白石。不消鑠。遼陽之東。鼓橐

齋解一。繡嶺山。萬花谷。開松陽。連雲壑。海城之南。

氣磅礴。上有三泉甘可酌。解二平頂山。雲漠漠。車

曾駐。盆可浴。上有積水冬不涸。解三木查嶺。如劍

鏑。峻而坦。寬以博。查水發源巖際落。解四降龍山。

神所託。勢蜿蜒。如擘攬。風雨欲來光景鏢。解五水

泉山。滋乳酪。清且美。用烹瀹。萬斛珍珠瀉。簾箔。

解六南雙山。巨靈拓。左陽峯。右陰壑。青天秀削芙蓉

萼。解七是諸山。互聯絡。忽低昂。而乍寧。羊腸宛

轉。緣蜂閣。鳥道窮。今構略約。解八聚惠愛。儼齟齬。

嵌嶺峒。宅寥廓。蔽虧日月愁。猱攫可喜可驚兼。



可愕。九地呈符。天開鑰。孕靈秀。阜飛攬。巨木如

林。纖草弱。

茂對乘時萬物育。

茂對乘時萬物育。

孕嘉產第二十四

孕嘉產。厥族滋蕃。悉數之。更僕為煩。山經爾雅

空排纂。略疏梗概。用告司原。一解有於菟。蒼質元

斑。吼腥風。林葉摧殘。霧中元豹。尤號悍。異名同

族。艾葉金錢。二解熊似豕。穴處空山。善搏人。春出

冬蟠。羸文黃白。仍修幹。力能拔木。不畏戈鋌。三解

有野馬。形質輕猥。走深山。不服鞶韉。日行五百

如奔電。野羸似馬。亦產遐邊。解四扶輿鹿。性喜林

泉。羸無膽力。心常戰。惟麇惟麀。類族殷繁。解五狼

白頰。前高後寬。或蒼或黑。皆膘健。豺尤猛厲。祭

獸秋原。解六一峯駝。肉自為鞆。頸修蹠。曲眈易泰。

力能任重。用濟軍餽。解七狐性疑。狸愛安眠。毛深

溫厚。為裘暖。貉能求食。富則資糴。解八兔婆娑。亦

稱比肩。鼯鼯五技。徒蒙訕。鼠名艾虎。亦屬彘。彘

解九貂似鼠。其質龐然。食松苗。以栗為餽。紫毫豐

毳。服之孔安。解十馬牛羊。閭巷喧聞。白頭豕。用給

盤餐居民比屋充常膳。不須臚列。以免辭煩。十

解是

熙朝。茂育功宣。致物產滋盛。春田四靈為畜。麟游

甸。殊祥上瑞。多載青編。十二

解

### 毓靈禽第二十五

毓靈禽。五色名翬。虞人歲捕供時祀。沙雞無趾。

出青林。亦貢丹墀。解一有舒鳧。洵腴且肥。家鷺舒

雁。仍甘美。青鷓次之。信天緣鷓鷯之類。二鳴九

皋。元裳羽衣。鶴鳴于垤。丹其喙。禿鶉長頸。在水

之湄。翦霜翎用飾。忘歸。三鷓在梁。載詠風詩。洵

解

河吸盡蹄濟水。斑鳩性拙。縮脖高飛。並翔翔適。

性忘機。

解四

燕于飛。下上差池。善營巢。秋去春歸。

曙色纔分。最好是數聲乾鵲。檐頭報喜。

解五啄木

兒利口如錐。蠹蟲穴樹藏身固。緣木而求必得。

之。在衆禽中。號為多智。

解六

黑龍江。爰有深池。雁

來初。湛淡羽儀。鷓鴣雞。鵲羣遊戲。汎清波。卵息

繁孳。

解七

到春來。田鼠為駕。考之爾雅。黃鸝是倉

庚鳴矣。夏日遲遲。柳陰中。好音流利。

解八

遼河鷹

松兒。朵兒。海東青。性尤猛鷲。天鷲褫魄。狡兔何

施。虎斑鷓。差可肩隨。

解九

萃羽族。深林茂枝。飲與

咏惟性所宜。太和洋溢。民物恬熙。奏箭韶。鸞鳳  
來儀。解

蕃珍樹第二十六

便蕃珍樹。籠溪覆隰。爰有蕭艾。香蒲。春雨後叢  
生。幽清。紅杏。緋桃。紅杏。緋桃。兔絲。葶。連岡被  
楚。藥籠儲。馬蘭。知時節。紅藍。茜。不如。解。松。釵。雙  
股。是爾雅篇中所著。惟有

神京。秀鍾扶輿。歲寒姿。其鉞獨五。八千歲為春。八  
千歲為秋。大椿齡綿綿。萬古。被光華。含雲隱霧。  
瑤光降斗樞。三極五葉滋靈草。地產奇珍洩祕

符。地產奇珍。洩祕符。解二

建

皇極第二十七

建

皇極。司徒度廣輪。壯

皇居。太史陳圭臬。端徑遂。三塗達九遠。相陰陽。百堵

依繩尺。

解一南德盛。當陽離。嚮明。東撫近。出震青

陽闕。西懷遠。金行靖甲兵。北福盛。象緯通天闕。

解二前天佑。高明法健行。後地載博厚。符坤德。左

內治。訏謨綏

廟廷。右外攘。聲教敷重譯。解三表雙闕。艱難念武功。致太

平。垂拱思文德。

崇政殿。穹窿憲紫垣。

鳳凰樓。樸素無雕飾。解四誅蕩蕩。天門闕九重。扇魏

魏。雲際開金闕。威輿服衣冠。拜冕旒。肅威儀。羽

衛陳刀戟。解五夜漏盡。猶傳衛士餐。曉鐘鳴。遽進

雞人情。規久大。朝廷多直言。謀萬全。殿陛無遺

策。解六援禮經。

郊壇建國南。考彝章。展敬陳蒼璧。禮

闕宮。春秋廡

孝思重宗盟。宗正司宗祫。七解得

天心謳歌獄訟歸。孚人意。鎬洛聲靈赫。定中原。鴻圖萬

載基作

陪京。

巡幸朝羣辟。八解

樂

皇清第二十八

樂

皇清景命隆。成天平地永宅中。

聖繼



聖。續豐功。制作定世符。御天乘六龍。解一樂昭德。禮備容。

覃敷聲教八方通。道德一。風俗同。

皇威馳海徼。仙仗過崆峒。解二詠芹藻。歌辟廱。崇德絀

惡發羣。蟻有術。聳有宗。壽考而作人。棫樸其

芄芄。解三嗟保介。咨臣工。犁雲耕雨勞厥功。繪無

逸圖。幽風率育配彼

天。倉箱裕我農。解四種浴川。桑戾風

禕衣東嚮明婦功。肅壇墀。比

先農。父老歡德化。耕桑

帝所崇。解五整屏翰。屹金墉。得人則治簡

帝衷甘棠蒂。黍苗芄廢墜。罔不修。萬里咸提封。六闕

三宅達四聰。旁招俊乂秉至公。霧豹蔚雲龍。從

日舉爾所知名。字書屏風。解省耕斂寬租庸。神

倉百萬備荒凶。胥保惠。振貧窮。暑雨與祁寒。咸

化為春風。解吹澗濬。軌涂通。誕疏地脈。淀與礪。

水攸利。年自達。浩浩乎

恩波。匪今頌屢豐。解什一稅。維正供。求民之莫飭司

農。免溝壑。樂食饗。損上以益下。

皇王儉德共。解海湯湯。水朝宗。日東月西出其中。旦

復旦。無終窮。油乾而納坤。何所不包容。解一幹

璇璣走靈臺。嘉生繁植。蕭艾空。沛然雨。薰兮風。

至誠契

天心無為而允恭。解十二稽典禮。命秩宗。釋回增美悖。且

庸筠其竹。心其松。本天以教地。夙夜襄變龍。三十一

解由心生。與政通。作樂崇德。應八風。舞蹲躡。鼓

逢逢。勸之以九歌。還相為其宮。解十四師出律。萃

除戎。包戈蚌甲。百年中。戎不虞。慎厥終。有嚴講

武事。

大閱張軍容。解十五鷄食菽。泮林中。小人革面。順以從。

嘉肺閒。囹圄空。訟庭有青草。獄吏服儒風。解十六

蘭有秀。桂有叢。白駒空谷。豈時雍。無遺賢。胥在  
公。天工人其代。六合臻。邛隆。解十七屏藩寄。磐石  
宗。本支百世五等崇。式分玉。匪翦桐。天潢流。且  
長。詎曰陝西東。解十八繩

祖武紹

宗功於

皇繼序克履中。震主器。乾飛龍。

聖

聖亶相承。凝旒仰篤恭。解十九祥繞電。瑞流虹。於萬斯

年

聖緒洪。麟振奴。乙造城。文子復文孫。千億紀無窮。十二

解休滋至。昭有融。樂胥受祜龐。且鴻醴泉溢膏。

露濃。升階協貞吉。萬物泰而通。一解十時

巡狩。朝會同。淑旂綏章。條革冲。珪贄集。鞞譯從。聲靈

振。彝夏四海仰。

皇躬。二解十懷

帝謂敷

帝衷。萬年遐福。幸來同。周隋嶽。漢呼嵩。錄圖天不老。治

化日方中。二解十樂九成。歌三終。一游一豫。盛德

同。臣矢音。睟奏公。時邁夏。箭磬。金石聞笙鏞。十二

解四

乾隆二十五年平定西陲凱旋

郊勞奏得勝樂

帝效

天第一

帝效

天。

天符

帝。

天心所在

帝默契。暘雨若。風霆明。呼吸感應通。以誠龔  
天罰。誅誦詭。

聖人之兵不得已。武功成。王道昌。順我者存。逆者亡。

皇威所訖。周遐荒。億千萬載。德莫量。錫慶長。功符兩大  
垂榮光。

爍月竈第二

爍月竈。震日淵。埽準夷。開屯田。式擴自伊犁。地  
大物賚。若大宛。及娑夷。勃律。咸慕思。弗諼。曰中  
國有

聖人。願隸塞垣。遂極亥章之步。罔畏之鄉。莫不奉正朔。

備我外藩。

皇帝愷樂。錫福垓埏。俾各康爾。性壽爾年。

振王鈇第三

振王鈇。天西極。蠢爾回。久拘繫。繭之蠶。禪之蟲。  
出爾水火。登衽席。俾畋爾田。宅爾邑。亭毒煦嫗。  
沐我化澤。鷹胡飽。颺獠反。嚙搆逆。煽亂其曷可。  
弗殛。振王鈇。威稜赫。

攻庫車第四

庫車言言我兵。既攻有狡。而伺其來。如風雨殲。  
醜徒。蜂矢蝟鏃。塞厥回。蘇賊頸。脰縮鄂。根之河。



鯨鯢橫波賊情就斃。圍牢自邁。惟彼倚轅毋戒。  
伏莽烏啼於暮。魚漏於網。

厥角稽第五

厥角稽。乃自易將。連進師所向。誓伏弗悟。弗枝。  
虜面膜拜涕泗連。而曰。惟我戎首突締。張鷗哀。  
我憚人肌瘡。疾虺蜉之撼。寧不自知。斯不缺。鏃。  
不遺。遂直抵乎大荒之西。

黑水戰第六

黑水之戰。騎危脊懸。軍深入為所搯。蜂屯蟻附。  
聚矢石。我馬雖憊。人無敵。立成壁壘。奮戈戟。賊。

來薄攻相距尺。瞋目一呼盡辟易。鉛丸著樹助  
我擊。靈泉火米資炊汲。重圍三月莫敢迫。古來  
誰與比奇績。萬賊之中兵四百。

援兵來第七

援兵來。來自天。矯躡景。迅掣煙。援兵來。賊回顧。  
奮螳當。張蛙怒。援兵來。堅轉戰。人裹血。馬流汗。  
援兵來。前軍回。摧虎穴。蹴蟻堆。援兵來。若神助。  
數月前。奉

詔赴

阿克蘇第八

阿克蘇何高。旅軍暫以休。蓄銳淬戈釜。選堅製  
兜鍪。名駒千隊來。霜蹄爾雲浮。以布易彼粟。筐  
篚為乾餼。士飽馬亦騰。氣已無諸首。

鹿斯奔第九

鹿斯奔。威所錄。兵載入。批亢卻。扼吭弗啞。犄角  
斯搏。駘蹏並窮。駢蚤偕躩。擴載輜重。棄老弱。走  
險假息。神錯愕。火燎毛。風轉箠。

回城降第十

回城降。式歌舞。王師入。各安堵。約法數章。爾摩  
爾撫。賦視實布。泉式圓府。噢咻爾民。久墊苦。蕃

爾畊牧釋爾刀斧。昔穴巢。今取宇。煌煌

御碣照萬古。鴻荒以來。此地榛狂。睢呿。豈曾隸中土。

伊西洱第十一

伊西洱。兩馬不得驅。賊殲不盡。此負隅。自言一  
夫當關。萬夫莫踰。偏師薄之。忽驚潰。倒戈降。百  
千輩。賊酋顧之心。膽碎。獨跳而走。惟其喙。伊西  
洱。功不刊。誰與侔。格登山。

和門開第十二

和門開。軍容壯。大荒西。喁內向。傳檄索伏隍。請  
羌聞之。弗敢藏。地犴盡。天網張。驚絃既隕。觸藩

復以牋遣使詣獻屍已僵。和門開。旌旆揚。滿營  
笳鼓歡聲長。

天斷成第十三

黃河千年而一清。

聖人十年而一生。曠古之事衆所驚。惟

天有斷斷乃成。握神符。貫元精。二萬餘里雷霆行。密勿  
指授。六合清以寧。

天斷成。巍巍之功莫能名。

皇式第十四

皇式有告。覲於

列祖兢兢業業。誕受

天緒。綏此武功。式廓是新。守成創業。兼於

一人。鑒彼下國。立爾蒸民。凡有血氣者。莫不尊親。

大孝承

命。錫嘏以純。

慈宮稱慶。天地忻忻。

辟廡第十五

辟廡水流湯湯。爛然五色。昭文章。豐碑告功。峙

宮牆。鐘鏞鼗鼓。同鏗鏜。皎如日月中天光。

鴻庸

鉅製相得彰。包舉要義重闡揚。

崇論開惑示萬方。羣蒙洞豁祛疑障。願壽璿玉揭講堂。  
觀摩雜誦垂無疆。

帝圖鞏第十六

帝圖鞏。鞏以大率土之族。延頸面內。登三成五昌期會。

羣臣請上

尊號。

皇帝讓弗許。益持盈而保泰。欽承

天命。夙夜匪懈。方論功行賞。恤士卒。問民疾苦。無出明

年租稅。天之所覆。

恩皆沛。於胥樂兮千萬歲。

乾隆四十一年平定兩金川凱旋

郊勞

皇威鬯第一

聖略宣

皇威鬯。風行電激物震盪。物震盪。聲靈馳。靡堅不破高。  
不摧曩西域版圖廓。二萬餘里我疆索。兩金川。  
敢抗干。自作不靖適自殘。五載底績除兇頑。春。  
風吹鏡入桃關。奏凱還。虎臣羆士皆騰歡。

慎行師第二



索諾木。僧格桑。驅生羆。須附狼。始蠻觸。相尋。奚  
事斧斨。越數歲。益蠶食鄰境。遂各罹其殃。劫聞  
維州之謠。禍心包藏。浸假約束。是備。

恩德是忘。勢在不得已。整我戎行。師出以慎。動罔弗臧。  
用乃聲厥罪。懲厥狂。

犄角攻第三

赫斯怒。兩軍指。巴朗拉。從風靡。取達圖。克資哩。西路角  
之南路。犄約咱。既得卡。丫救革。布什咱。復其疆。  
里。險如達。烏安足恃。鉦擊柝。應俾狂魄。震撼夾  
擊。威洊雷馳。

趙拉平第四

小金之屏。曰僧格宗。猱攀不度。堅礪如叢。我軍先登。摧枯振箨。采入其阻。直抵美諾。布朗底木。追圍窮林。厥子喙走。厥父就擒。汗牛板昭。傳檄帖伏。趙拉悉平。軍聲赫濯。

討促浸第五

促浸酋。為逋逃。數罪惡尤。鞠旅移指。討厥比周。徑阻雪積。我軍遲留。彼潛伺徽。矧逞其狡謀。降番應之。紛相投。屹然南路。整衆還輟。新壁壘。厲鋌矛。遂進次乎日隴之陬。

迅霆復第六

簡我禁旅勇且健。七十其衆一敵萬。統以將軍  
旗鼓建。定西印。授西路。進南路。是副聲並震。獎  
率趨材馳敢戰。寧旗摩壘士氣奮。履險如夷兵  
不頓。有若熊虎。懾颯颯。趙拉全境。薙株蔓。曾不  
旬日。收復徧。統統如霆。一何迅。

八旗勇第七

八旗兵。來如風。西路入。谷鳴通。南之隘。克馬尼。  
拉窠卡。大如礪。醜三路。心力齊。一阻險。功在西。  
喇穆山。日則口。據默格。斷其後。八旗兵。勇可賈。

綠營衆悉鼓舞。

窮猿僵第八

我軍馳先聲。醜徒志以離。竄渠伏冥誅。械戲貳  
負尸。七圖及蒙固。縛之如連雞。系孥側累衆。檻  
致於

京師。吐哉窮猿僵。禍連焚林貽。

扼宜喜第九

北路險。曰宜喜。賊死守。限尺咫。絨布移兵。循塗  
西指。綽斯請留。願效驅使。出奇制勝。賊披靡。冒  
雨揚兵。兵為洗。扼山梁。築我壘。

越重壕第十

乘勝攻賊拒遏。堅碉矗重壕。掘康薩爾山。徑險且萃。鹿角如麻。憑阻軫輻。我軍薄之。若排闥。曷深曷巍。一躍而越。踞厥顛。蹂厥穴。木思工。噶取如擬。臨高壓之下。視巉巖蒙茸。氣吞力隨。拔

河之西第十一

河之西。穢棘不可窮。元戎決勝。合力攻。俾賊顛不得顧。趾不得容。日旁以右。羅寨柵。棄而逃。羸豕躄火。其崖垠。照燿赫。五十里。開地為赤。賊潛喘。餘燼灰。飛將軍。從天來。

後路清第十二

夾河陳軍相望。風雲通氣益壯。噶爾丹既攻。建  
瓚注之。扼彼衝。清後路。勝算雄狙。伏為患。惟遜  
克爾宗。梯牆斫穴。如挾叢。後路清。賊勢窮。世臣  
繼勇勳名崇。

一窟推第十三

昆色爾高騎脊危。拉枯下瞰烈焰飛。蓄則大海  
鞭一麾。奇謀百出克勒圍。八月中。夜半時。月光  
鏡膽寒。妖魘狡有三窟。一窟固已推。磨盾馳木  
蘭。八日來紅旗。

釜底魂第十四

西里既剗。卡角斯折。彼頑不靈。螳斧當轍。索隆科布。屢摧其堅。安布魯木。迅掃其孱。舍齊暮擣。雍中朝塞。盡撤藩以入。巢幕定焉。賊境日蹙。百纒一存。釜底羣聚。游魂曷延。

穴蟻埽第十五

賊負固。噶喇依。困獸猶鬪。四面圍。批其腹。心外不支。甲雜獨松。清河西。馬邦拾芥。彼自隲。陸置水。罟會我師。環以巨礮。焦灼期。計窮乞命。俘渠魁。罪人斯得。達旋倪。穴蟻迅埽。無留遺。定以百

戰誠若斯。

武功成第十六

武功歲

珠邱告禮成

駐蹕。露布適報。策勳懋賞。下

明詔。遂奉

慈輦東狩。還舉

郊勞儀。獻繫俘於

社

廟。崇善歸美。尊上



徽號

親製紀功碣勒太學第功臣次燕

紫光圖其貌屯師設鎮洽聲教億千萬禩安竿徽

欽定大清會典事例卷五百四十一

樂部

樂章 鏡歌清樂

鏡歌清樂○

巡幸

九龍旗第一

九龍旗。旌旗列宿懸。龍角天田見。箕翼常舒展。

龍尾更連蜷。牽牛近帶房心建。東壁耀星躔。解一

婉孌奎文麗。日天階見。參旗曳九旒。玉井珠駢。解二

柳七星曲曲如鉤卷。和門啟。萬幕褰。解二

電

皇威第二

電

皇威好山如障翠屏圍。凝樹色。煙成縷。鎖嵐光。雲漸

低。回峻嶺。絲韁徐按。度崇岡。玉勒輕提。龜背銜

滲金盃。月明風曳素綃旗。解一靖邊陲。為思將帥

鼓征鼙。嫺八陣。齊九伐。用三驅。式九圍。撼山岳。

風雲動色。固封疆。鶴鶴爭奇。驅駃裏。跨纖驪。日

輪高擁杏黃旗。解二真鴻基。百年不用是王師。在

圓圍。麟和鳳。貢琛球。航與梯。因農隙。講求獮豸。

際時和。訓練熊羆。獅蠻帶。錦襴圍。晴雲不動絳

紅旗。三太平時。狼煙不設。羽書稀。四郊外。無烽

壘。四民中。多壽者。粉榆社。我田我稼。羽林郎。如

虎如貔。短後服。曼胡垂。遠山一抹蔚藍旗。四綠陰

中。凱奏歌聲美。蘆管清笳沸。四海樂昌期。萬國圖

王會。馬如龍。迪遷車如水。馬如龍。迪遷車如水。五

### 整貔貅第三

整貔貅。順天因地。依山建壘。制勝爭奇。鄭鷲越

雁。鶴鶴兼魚麗。箕翼張舒。常山形勢。用神機。太

乙陰符秘。先天遁甲奇。北牡方圓。縱橫斜銳。變

化從心起。左鈞戈。右雄戟。朱纓丹羽去。忘歸朝。  
陽舒畫旗。柳葉貼青驪。車書萬里同文軌。

河清海晏第四

河清海晏。花村犬不喧。講武訓戎旃。幕府多雄  
健。韜鈴有祕傳。虎旅列戈鋌。村吹靄暮煙。鉦鼓  
競喧闐。郊原自晏然。轟雷掣電。端的是有征無  
戰。有征無戰。

輦路平第五

輦路平。錦隊開。寶纛懸。日麗風和瑞氣鮮。前旌  
載鳴鳶。春旗曳柳煙。遙聽處。喚晴鳩。唬杜鵑。寶

劍。瑀。弓。續。紛。在。後。先。氣。雄。邊。花。飄。柳。葉。韉。鞭。敲。  
錦。連。錢。鉦。鼓。聲。隊。隊。悠。揚。出。遠。天。農。夫。自。力。田。  
村。童。自。笑。喧。望。前。驅。早。度。夕。陽。川。望。前。驅。早。度。  
夕。陽。川。

景清明第六

景清明。萬。彙。蘇。雲。物。煥。

皇。圖。集。禎。符。羽。儀。絡。繹。在。春。田。駐。羽。儀。絡。繹。在。春。田。  
駐。

聖武光昭第七

聖。武。兮。光。昭。玉。燭。兮。時。調。秋。猶。冬。狩。建。旌。旄。曳。虹。旂。

四方永定樂

清朝。瑀。孤。久。已。橐。龍。泉。久。已。韜。句。陳。翊。衛。天。樞。耀。  
兩。階。干。羽。格。有。苗。埽。盡。橈。槍。舞。舜。韶。中。天。奉。交。  
文。教。敷。敷。文。教。

皇風泰第八

皇。風。泰。景。物。妍。元。虬。奕。奕。辰。旒。建。靡。畫。旃。行。鑪。靄。細。  
煙。落。花。香。印。馬。躑。圓。落。花。香。印。馬。躑。圓。

慶雲呈第九

慶。雲。呈。霞。光。絢。晴。鳥。嘯。芳。甸。柳。芊。綿。風。來。絮。顛。  
柔。絲。胃。

盛世多清晏。頌

堯年。祝

堯年。

象天行第十

象天行。玉輦金根。扈

宸游。萬騎雲屯。角弓笳鼓聲相競。美車攻之。子于征。  
簡車徒。有聞無聲。解際昇平。清畊芳騰。慶三農。  
百室盈寧。羽旗芝蓋。參差映。念民依。還塵

皇情樂

清時。盡戴



皇仁。二解

虹流華渚第十一

虹流華渚。星輝電繞。樞慶長庚。燦爛祥雲。汜漢鞏

皇圖永固。非煙非霧。非煙非霧。東海扶桑。日裏金烏。  
蕭索輪囷。樓臺殿宇。天酒凝甘露。煙雲杳靄中。  
廣樂鈞天。盡向風前度。時清每賜醑。民樂還蠲  
賦。喜隨天仗。蹌蹌濟濟。幾多鸛鷺。

皇都無外第十二

皇都無外。更日月光輝。一統車書。祥麟在藪。鳳來儀。

貢篚。玳瑁。文犀。聞說青雲千呂。島嶼平夷。是中土。

聖主當陽。喜輦下還將八景題。一解盧溝月曉。更西山

雪霽。瑞色熹微。金臺夕照。曳斜暉。太液池。萬頃  
玻瓈。還有居庸疊翠。峻嶺崔巍。崔巍。玉泉虹。瓊  
島春雲。薊門外。空濛煙雨飛。二解

### 夏諺歌第十三

夏諺歌聲徧九垓。又見山重複。水滢迴。相風高  
指靜塵埃。者的是萬國春臺歌。

元首明哉。歌股肱良哉。懋哉庶事康哉。喜

鑾輿到來喜

鑾輿到來。靡魚須。桑麻罨靄。度高原。龍旂沛沛。電  
宸襟。周覽徘徊。電

宸襟。周覽徘徊。識民心愛戴。民俗和諧。華封人祝三  
多。紅日近堯階。從今後。祝

皇圖千秋萬載。

芳騰曲第十四

看取芳騰錦甸。長楸古道。細柳清泉。風來霹靂  
拓弓弦。日華組甲飛晴練。吟猿落雁。垂楊已穿。  
紅陽紫燕。蟻封又旋。軍容煜燿如雷電。一畋獵

無非習戰。車攻四牡。王制三田。五豝曾詠。召南  
篇。七駟用戒。司徒演獸。肥草淺龍。旂有虔。批頤  
扼頰。虎賁載旋。駕言

行狩遵

先典。二解

渥洼曲第十五

渥洼中。珠霧氤氳。天產龍媒。苑蓄祥麟。命臧圉  
辨其物色。時其芻秣。萬騎駉駉。瞳夾鏡竹。批耳  
峻。權協月。風入䟽輕。綠蛇衛轂。紫燕駢衡。騁長  
途。人馬相得。如

聖主之得賢臣。

美

留都第十六

美

留都崇儉法陶唐。大政當陽十署雁分行。諮諏政  
事肅官常。飾槐檻無煩刻鏤。列焚燎無取焜煌。  
珊瑚琳碧。何似茅茨土牆。符帝車太乙連中央。  
紀元建號承

天貺啟

皇圖居尊馭極從民望。靈臺雲物紀嘉祥。五緯麗文

昌。覃四國。迄八荒。瞻雲就日。咸歸嚮。詠德歌風。  
壽且康。解金墉屹立平原曠。佳氣

皇居壯。天文屬尾箕。地脈開蓬閭。鬱蔥蔥與柱軸同。  
輪廣。鬱蔥蔥與柱軸同輪廣。解

溯

興京第十七

溯

興京實

帝鄉艱難開創。奠中原。覆萬方。太平休養。水源木本。  
繼序不忘。我受

命溥將。率由舊章。勤祀典。不愆不忘。無怠無荒。維新舊  
邦。輯瑞玉。載弁奉璋。來享來王。一輪紅日。擁扶  
桑。廣樂記鏗鏘。歌燕鎬。莅明堂。雲移北斗。成天  
象。酒近南山。作壽觴。覃四國。迄八荒。瞻雲就日  
咸歸嚮。詠德歌風。壽且康。解周岐漢沛寧相讓  
綠水環青嶂。龍興氣蜿蜒。牛渡波滌漾。觀

天顏。和日霽。胥瞻仰。觀

天顏。和日霽。胥瞻仰。解二

格

皇天第十八

格

皇天順民心。聲靈赫濯。雲霓望明。丁百六。餘分閏位。穢濁天常。肅

天威。一埽欃槍。定兩翼。列旌旗。分八行。黃白紅藍。如砌錦。東西相次。自北而南。如山嶽。各為一行。握奇經。天元地黃。四奇四正。包羅造化。洞陰陽。風雲離合。無恆象。縱橫八卦。變化無方。握神機。位在中央。法河鼓。先登上將。左九星。如珠斯貫。右九星。屈曲如匡。中權玉斗。安牙帳。礪戈矛。器甲精良。勳臣功績。在旂常。變伐藉鷹揚。



廟算長。軍容壯。指揮大定。牛辭阜。棧歸桃野。馬脫金羈。

臥華陽。解一師貞協吉天成象。

聖武兵須講。威加四海清。恩速千夫長。看中林。置肅

肅干城將。看中林。置肅肅干城將。解二

### 大凌河第十九

大凌河。爽塏高明。被春泉。細草敷榮。擢纖柯。首

着秋來盛。解一溜春泉。淙淙玉聲。匯廣澤。水淨沙

明。注遼河。一派澄如鏡。解二曠平夷。颯爽風清。際

恢台。暑退涼生。謝炎囂。飛蚊知避境。解三宜畜牧。

牡馬在坳。甘水草。虻蚋不驚。歲蕃孳。芻秣無違。

性。解四選龍媒。曜采何精。翻紫燕。聳鬣長鳴。或乘

流。沂淺過沙汀。解五志倣儻。產自幽并。控奚官。首

絡黃金。或輕猥。萬里志長征。解六或踈斷。憑驕怒

生。或偃臥。豐草長林。或就浴。激澁玻瓈淨。解七或

繫樹。身閒體輕。或俯齧。沙肥草馨。或驚馳。似畏

珊鞭影。解八或舉足。遲回未行。或競步。浮雲共征。

或駢驂。躑躅青莎徑。解九或權奇。高穎露晴。或深

穩。步遠視明。或攜駒。汗血天池孕。解十喜昌時。澤

馬效靈。十二閑。並毓房精。駕鼓車。遠方還納賁。

解十一萬年基。海宇清寧。卓飛黃。

鸞輅和鳴簡

巡游不貴駒駉駉十二

狩于原第二十

狩于原。素節商秋。日華宣。月金波。山川如繡。曳  
 明月。靡魚須。用三驅。載馳載驟。解一駉裏駉如舞。  
 遠衢去若流。亭童羽葆。導靈囿。月滿烏號勁。沙  
 融露草柔。解二師執提。工執鼓。夏苗迄春蒐。穀麋  
 頽。贊猛愁。太白其左。天狼右。夙駕于原。殲禽殪  
獸解三言觀其旂。參偃風旂。言觀其馬。乘翳玉虬。  
 擬戟牙。奉繼鞬。獸驚人怒。聲啾啾。獵圍日落。風

悠悠解雨獸風禽。貫脇捲喉。目電閃。腥雲浮。濡  
縵一吹。吹劍首。序屬三秋。嚴凝氣孳。木葉山寒。  
翠幄稠解孰矢箠之。於維繁弱弓。孰縻噉之。於  
維屈盧矛。以作六師。繫豈從禽謀。亶

帝德煥神猷。泰階奕奕。綜乾紐解紅雲隨。過翠紫氣  
傍行。轉山似黛。水如油。清切鳴笳。馬上謳。伊州  
涼州。華鯨撞處。靈夔吼解習五戎。命七驄。司徒  
措扑施車。罩揚清鞞。著岑牟。獸臣拜賀。同于狩。  
一歲三田。昭典禮。幽歌狐貉。為公表解雲峯繞  
宸幄稠。壹發五祀。奉時辰牡。儻儻侯侯。如山阜。面傷

禽不獻。䟽揜迹斯求。貴仁賤勇垂王猷。解馳深  
鼓利械。趨險驚飛輶。塞螭螭。城筮篨。既長既溥  
肇公劉。雲赫萬國。鞏千秋。解苞枿兌矣。析木之  
陬。於穆

原廟皇矣

珠邱時祭涓

孝饗對揚錫宏休。薦芳還講武。玉輅統貔貅。解一鴨  
綠之江綠波流。長白之山白雲浮。于京斯宅東  
序陳天球。

法駕莅

陪都。最喬。廳道游。湯網開三面。騎虞化可侔。解十二

丸丸百尺松。鬱鬱千章楸。蛟龍奚遁藏。豺兕供

羶膻。天閑上駟來庭廡。來廷廡。造父執靶。王良

挾翰。睥睨周朝八駿游。解十三温都魯。幘溝婁。量

衡

皇度式膏澤

帝功流。永千禩。光六幽。星分箕尾。揭蚩尤。靈威震疊。

兔置肅肅皆公侯。解十四午酉吉日諏。金德常剛。

大火流。

皇之士。盡好仇。

皇之佐。升大猷。鳳儀廷兮麟在藪。獻之

天子。萬邦其揉。十五

日上扶桑第二十一

日上扶桑

皇風鬯。日上扶桑

皇風鬯。湛露滋金莖。仙掌。

聖天子正當陽。丕顯丕承。六合中

恩膏廣。舟車至盡來王。舟車至盡來王。覩一統太平

真有象。一叶車攻。詠時昌。一朵紅雲六龍降。簇

千官驚序。萬隊駕行。爭夏擊。鉦鐻丁東。紛亂商

旌旗搖漾。鴻龐兆姓。

天顏仰。齊道是春臺上。齊道是春臺上。二解翳華芝排

仙仗擁貔貅。萬騎騰驤輝煌。從龍應列象。紛累

懸環衛句陳隔。

御光紛累。懸環衛句陳隔。

御光。

皇威朗。夏諺祝吾王。游豫周官紀。天子巡方。三解王路

砥驟康莊。除道清塵坦而蕩。似觀河刻玉。比蹤

陶唐。敷教化。

帝德郵傳。奉琛賫臣心。葵嚮鴻龐兆姓。



天顏仰。齊道是春臺上。齊道是春臺上。四調玉燭。乾

坤清朗。幸遭逢時

巡狩。

恩施浩蕩。波翻翠。激灑皴銀塘。壓黃雲。歲終搖繡壤。

同歡慶。豐年綬萬邦。五屬車相望。屬車相望。選

勝徜徉。靈風薦爽。引鸞旂。引鸞旂。轉龍旂。飄揚。

擁耆民歡心合掌。

天庥和暢。稽首頌九如章。鞠脰晉萬年觴。六乍洽

宸襟延

睿賞。喜遙臨玉輅翠幌。喜遙臨玉輅翠幌。康衢畔擊

壤交賡唱。

聖壽無疆。億舜日矢橐弓。報萬堯年鳳舞麟翔。道敷  
天道衰時。令典煌煌。風行地並。

省方。永懷柔時。邁其邦。

省耕斂。萬井蒙休養。

省耕斂。萬井蒙休養。猗歟慶

熙朝奉

聖皇。解表裏山河鴻圖廣。洵莫敢不來享。倬革和鸞。

旌旆央央。化日高懸正舒長。天可參。地可兩。天

可參。地可兩。解合相輕漢武橫汾上。示從禽懲

舍往。旃以為轅。蘭以為防。飭司徒厲飾軍實壯。  
不以火田。不獻面傷。駕龍文。騰空曠。敝列斯青。  
廬。還開玉帳。秩山川。同衡量。霑

錫賚。成勇暢。旌霓旃虹。奉

皇歡休徵疊。賦奉

皇歡休徵疊。賦。斛縈瑞氣。天和釀。到處是上林春滿。

望。花傍輦。若含頰。含頰。傾珠囊。洗塵鞅。奏韶英。

典太常。霏霧雨。卷靄鑪香。真徧世界。

恩流

德洋。看雕題漆齒咸稽顙。懸知紹

聖緒邁前王。解一昇平宇宙年豐穰。勤補助天工人亮。

遙聽嵩呼

萬歲長。解二

九五飛龍第二十二

九五飛龍慶時乘

九五飛龍久萬里錦江山歸大一統今

皇紹

聖緒克續豐功。望如雲。望如雲。就是日。垂裳端拱。寅亮

天工。寅亮天工。盡梯航。齊來朝貢。解一萬象闡鴻

濛。超軼姬風。殷頌。修文偃武。

履帝位明目達聰。卑唐跨宋億萬年。

大寶金甌鞏。紉縵縵沆漑霏微。豔晶晶旭日昭融。二解

閱五載禮成

巡狩叶車攻。閱五載禮成。

巡狩叶車攻。練時日。鹵簿盛威儀。盛威儀。未央月曉。

度疏鐘。徐張雉扇。緩啟銅龍。紛雜沓。千官前導。

鸞旂聳。師師濟濟。萬靈呼擁。奉。

皇歡五色雲車動。從于邁。

恩澤紀龐鴻。從于邁。

恩澤紀龐鴻。三解時雍。萬福聿來同。侍臣珥筆從容。酌。

酌禹甸。幾多甘雨和風。

天顏有喜。煥

宸章。揮灑騰麟鳳。若雲漢。倬彼昭回。墨寶千秋珍重。

解四或有時甘露珠垂。或有時甘露珠垂。或有時

醴泉玉湧。或有時澤出金車。或有時山開山開

得者銀甕。惟

至聖足有臨。分足有容。誠不顯而篤恭。上雲峯

鸞輅輕移。上雲峯

鸞輅輕移。凌日觀。倬鶴載詠。解五香鑪傍日温。屬車瑞

雲湧。看野陌黍禾如梁積。祝無疆。躋堂幽人頌。

敷德化民風。沕穆喜到處。時和也。更年豐。編氓  
徧霑膏雨。聽歡呼。自南自北。自西東。六規制度。  
衡量同。式震疊。琛球貢。率遐邇。北暨恆山。率遐  
邇。北暨恆山。西至流沙。南被交邕。典禮咸修。裳  
華胥叶。聲靈神悚。信長此獻嘉符。振麟儀鳳。七  
百職猗歟。式序百祿。亶其式總。於繹哉永綏民。  
於皇哉允執中。時

巡幸虎賁扈從。從律奏聲諧八風。從丕冒率俾提封。  
編氓徧霑膏雨。樂饗飡自春。自夏。自秋。自冬。八重  
熙累洽如天永。蕩蕩巍巍邅隆。

翠輦行來紫氣擁九解

聖德巍巍第二十三

聖德巍巍洽九天。大啟文明會。景福綿熙和。民物更  
鮮妍。麗紫垣。策星夜動鸞旆發郊原。一解河清海  
晏王道正平平思

文謨

武烈丕承丕顯。締造巍然。監于成憲。其永無愆。二解萬方  
賓服。仁風扇義。問昭宣。雕題鑿齒。重譯來朝。獻  
東風便。黃支烏弋。識時先。更白狼元菟。金馬朱  
鳶。盡入版輿遠。三解聲教無邊。互九垓。控八埏。陟



堯封過禹甸。撫殷土。歷周原。漸被暨訖。仰清光  
北斗高懸。四崆峒山色翠如煙。訪道人非遠。姑  
射有神仙。飲風吸露。綽約嬋娟。乘雲氣。御青天。  
有虞氏親巡徧。五薰風拂五絃。養恬樂利。到處  
桑麻雞犬。含哺鼓腹。風光堪羨。吉蠲採風問俗  
排

法駕清蹕稅桑田。六游河五老踰躔。紫極光連袖  
裏圖書一卷。齊向丹陵獻。八駿踏雲煙。飛雷掣  
電。黃竹詩篇。瑤池清讌。七稽古想前賢。端垂玉  
冕。屬車香裏。曉發衝開宿霧天。霓旌卷。蘭生殿。

佳氣滿平川。八岱嶽齊天。七十二君曾駐輦。秦  
山梁父。云亭肅然。崇封禪。金泥印綠文。玉檢留  
丹篆。九羽林周衛。錦袍鮮。萬騎駉驪。隱見黃雲  
馬足。白日松顛。蔥蒨貝葉三花。石芝五色。搖漾  
拂寒煙。十虹旃綵仗。五雲連。柳映旌門。在鎬承  
周燕。鳴鸞幸代。旌蓋橫汾。中流簫鼓。振樓船。十一  
解乘乾位。在德之元。八卦陳。九疇行。皇極居中  
建。聖帝明王。一游一豫。芳躅古今傳。十二昇平  
無事。歲三田。臨之王制。考之風雅。冬狩秋獮。先  
期戒事。虞人掌馬。後道旂。前皮軒。璧貫珠聯。十三

解訓典昭然。時巡是五年。雲沙輦路芊芊。

德音騰赤縣。驪龍作馬。日月為旂。霜原玉作田。盤營

風。輓鏡歌一闕。霓舞大羅仙。解十四

蹠躩游龍第二十四

蹠躩游龍。亭童羽葆。莅止青野翠郊。看蕩漾朱  
旗金螭。五色瑞雲飄。選吉日。正麗景。含韶。好青  
春。是朝廷有道。好青春。是朝廷有道。飈輪霓燭

映星旄。洽

宸襟。詩歌藜蕭。雲標寶翰。摘

天藻。

皇衢慶靄籠霄。解一

恩威闡澤敷八表。百昌萬類咸荷鈞陶。西被東漸聲  
靈遠耀。用觀民而設教。元良頌凡有血氣者罔  
不孚尊親戴甘露降榮光繞五雲中盡瞻

天認赭袍。解二長路波迴。今峯繞航海梯山。匪包茅烏  
弋黃支。絕域齊來到。荷

天恩涵大造。婆娑起舞。歡欣醉飽。舌人重譯。感  
天怙冒。一游一豫。民歡樂。招音作徵。與角。

君臣賡歌仰

熙朝。解三騎竹童扶鳩老。萬年清晏而

恩膏。

回輦深恩承細草。解四

慶

皇圖第二十五

慶

皇圖。肇域燕都。重熙累洽。

聖化覃敷。玉燭調金甌固。

巡方兮繼迹有虞。解一

聖人之生。首出庶物。握乾符。膺寶籙。載歌天保。何福

不除。升恆兮日月居諸。解二宏九有。入三無。惠烝

民膏澤涵濡。遷善不知。衢歌巷舞。嘉祥兮磅礴。  
扶輿解三惟天之瑞。慶雲甘露。日有重光。星有連  
珠。惟地之瑞。澤馬山車。醴泉兮噴若醍醐。解四惟  
草與芝。或紫或朱。惟鳳與麟。或七或五。金船銀  
寶游於王所。嵩高兮

萬歲長呼。解五於

皇樂胥。撫茲疆宇。思

武之烈。思

文之謨。念彼車攻。載於石鼓。吉日兮申用三驅。解六禮官  
整儀羽騎。星敷有旂。有旒。有旒。有旒。為龜為蛇。

為熊為虎。振振兮匪疾匪徐。解習習祁祁。和風  
甘雨。稷翼翼。黍與與。屢惟豐年。食我農夫。農夫  
兮瞻望。

乘輿。解翠華斯舉。香惹

御鑪。白雲出封。青雲干呂。機槍為闔。明月為堵。塵  
清兮環衛周廬。解惟春有補。惟秋有助。所其無  
逸。以游以豫。圭璧金錫。思我

皇度。皇皇乎一統車書。解相彼東山。啟我土宇。奄有  
四海。續禹舊服。

聖

聖相承。以篤

清祜。卜年兮無疆之祚。

解十一

鳳輦所經。灑灑湛露。五行式序。庶草蕃廡。

帳殿從容。鼓吹和愉。虎拜兮箕疇。斂福。

解十二

萬國瞻

天第二十六

萬國瞻

天。慶歲稔時昌。燦祥雲舜日麗中央。翁河喬嶽紀詩

章。附輿執靶標星象。胥藝極復陳常。正

恩威克壯。奉金根陟嚮。奉金根陟嚮。



帝心昭格

皇仁廣和鈴夏擊和鸞響德化風行草上刑措兵銷

績熙工亮一解春省秋省軫吾

皇軫吾

皇句陳肅穆出瑤閭叢花練繞時和盜時和盜閃龍

旂泝泝揚揚閃龍旂泝泝揚揚羽林挾轂驟雲

驥式

儀容玉琢金相解邨邨繪出昇平象豐亨原野裕倉

箱一自

龍輿降九閭談蕩仰

龍光風溘俗美。泉水都廉讓。都廉讓。成功奏。遐軌邁。  
陶唐。解三莅春郊。鳥嘯花笑。稅桑田。晨正農祥。繁  
華觸處。豔青陽。

省耕助。洵匪幾匪康。解四序入恢台。當盛長。雨肥梅。還  
釀清陰。麥風涼。喬雲翔。眷言萬彙。咸敷暢。芰荷  
香帶。

御鑪香。

御鑪香。

聖情悅豫。堪延賞。解五矚秋原。秋氣爽。導

鑿與黃菊香。初放躋公堂。稱兕觥。金風玉露。葉渥棠。

萬壽祝無疆。解六乾亥風剛。巽辰日朗。禮垂冬狩。排仙仗。時納慶。歲迎祥。時納慶。歲迎祥。沛。

殊恩。霑浩蕩。玉輅聽鏘鏘。酒醴笙簧。飲堯尊。歌舜壤。

解七以豫以休。引恬引養。黃童白叟。欣瞻仰。聲教

訖。被遐方。聲教訖。被遐方。亶馨香。紛肸鬻。八駿

盡調良。雲錦鋪張。統車書。同衡量。統車書。同衡

量。解八

宸游

睿藻來天上。覃闡澤。恩波演漾。喜起遘明良。雖啗相

協響。解九

昊天命第二十七

昊天有成命。受此丕基。

武烈

文謨。式穀是貽。亶亶我

皇。克纘

鴻規。敷天哀對。罄無不宜。解欽若

昊天敷時繹思。求民之莫。夙夜其咨。迄用康年。維星協

畢與箕。既富且穀。迪彼秉彝。

聖敬日躋。

帝命式于九圍。解憲憲令德。抑抑令儀。綱紀四方。涵泳

聖涯率由前模。惠澤勤施。民之攸暨。如取如攜。如堦如筵。迪教不違。

皇帝聖神。天錫英姿。聽聰視明。法式生知。并包蓄養。解愠絃揮。仁滂施厚。元氣淋漓。千秋萬歲。復覩妣與姬。解<sub>三</sub>百姓昭明。五典慎徽。澣濯甄陶。沁骨浹肌。如彼田矣。亦既敷菑。如彼室矣。亦塗墍茨。皇心統天。品物咸資。維嘉維時。樂矣魚麗。解<sub>四</sub>翩翩之鴻。言漸于遠。皜皜之鷺。言集于湄。藹藹王多吉士。赤芾祁祁。束修其躬。慎乃樞機。左右

天子。盍簪勿疑。解<sub>五</sub>崑然雙闕。晏然三陲。

端拱明堂。默運璿璣。禮陶樂淑。俗易風移。金儀測象。  
玉律定時。四野八荒。洵不遐遺。浚有離隰。有茲  
對時育物。萬邦是綏。

省方設教。用致雍熙。無封靡于爾邦。惟日孜孜。六咨  
我三公。及爾庶司。豈敢怠安。無平不陂。建國親  
侯。王者無私。卜云襲吉。昆命元龜。農事告成。秋  
以為期。倬彼雲漢。奎畢井背。揆文奮武。營壘車  
騎。象緯昭回。

聖人法之。以補以助。上繼姚姁。億萬斯年。壽考維祺。  
整

法駕揚華旗。六軍雷動萬馬星飛。白山嶸嶸綠水  
澌澌。騶虞至。鳳凰儀。于疆于理。

皇心則怡。七解渺渺川原。坦然逶迤。遺秉滯穗。如京如  
坻。各峙乃糗。以饗我師。鳥獸充牣。碩大蕃滋。莫  
不震疊。永藉保釐。七騶既馭。萬衆咸隨。錡錡鼓  
鐸。幡然旌麾。逐獸追禽。大戟長鉦。為鏡為錫。載  
常載旂。左律右鈇。平於有司。瞻彼翠華。朱英蕤  
蕤。星旗月鉞。錦鞞珠玦。禮百神。奠四維。王用三  
驅。勿競厥威。我求懿德。允王保之。八張皇六師。  
如虎如羆。

天休震動。周道驅馳。策勳在

廟。莫不寅威。戢干韜矢。說禮敦詩。

天子是毗。解灼灼芙蓉花。耗耗楊柳枝。擅桃婀娜。畫  
龍與螭。干盾騰拏。逐豹與麋。湛湛甘露。酌以玉  
卮。

陛下千萬歲。撫御萬國歸。銜羈解。王會有圖。天葩芬  
奇。爰閭赤帝。元繚碧基。文蜃大蠃。孔鳥皋雞。隄  
冠尊耳。露犬星施。白鹿黃騏。獻其貔皮。在彼澤  
宮。壁水瀾瀾。樹爾侯矣。射熊與狸。槐宸高聳。棘  
路明熹。鳴葭駐罕。麗日和颺。四牡駉駉。以車伾



伍飲至言歸。解十一駮四鸞駕六螭彤雲分五老  
珠露浥三崦訪姑射拜希夷執衡與規循理因  
資昭假遲遲恭己無為。解十二誕敷

文德懷柔神祇。

天命靡謫念茲在茲周原稼穡小民之依蠲租賜復王  
言如絲裁成輔相於鑠純禧首山之陽毋采爾  
薇商山之顏毋采爾芝三老五更惠和宣慈有  
馮有翼爾性爾彌袒而割牲謙謙是撝示我周  
行瑟鼓笙吹。解十三蠹蠹恆山幽冀之治絳雲紫  
霞岐岐嶷嶷青書綠笈神所護持包王孕帝駕

軒鑠義元泉神草瑞勒豐碑爰

命太常爰

詔后夔式祀

上帝饗以駢犧獻琮璧奏咸池奎聯璧合星斗陸離洞

簫玉琯鳳羽麟差十四中澤有葵南山有棧豈

弟君子佩玉履璆遭逢明盛文煥功巍三墳五

典煌煌麗辭願續雅頌永鎮屢屨十五

乾隆二十五年平定西陲凱歌

睿謨獨運武功成天柱西頭奏永清候月占風傳自昔

試聽今日凱歌聲一其往歲伊犁振旅同名王尺

組就俘來。天西月竈咸星拱。戎索遙從昧谷開。  
其二 狼狽相兼弟與昆。虜廷久繫兩花門。

九天忽遇王師下。破械先施

再造恩

其三

賜歸舊部寵榮多。俾撫殘戎釋網羅。但使祁連山作礪。  
不教蒲類海揚波。四 何期鷹眼終違化。翻肆鴉  
音煽逆塵。朔草並霑天上露。黃沙偏負塞垣春。  
五 恢恢

天網本來寬。稔惡誅鋤務欲殫。

宵旰從容宏

廟略偏師重進取兇殘其梯衝烈烈庫車垣逋寇倉皇

竟反奔那識降人爭獻款亡巢傲幸漏游魂其

虎符

申命下丹青壁壘旌旗煥一朝頓覺三門新氣象元戎

更拜霍票姚其一軍早定沙雅爾百堵旋收阿

克蘇萬里風馳還雷埽大兵直壓賊孤城其蟻

結蜂屯三閭月熊蹲虎踞一當千如山軍勢原

難撼醜類空教倒戟旋其橐囊不待裏糧行早

喜因糧在敵城奇應何須驚雨粟地留火米待

神兵其一天漿那挹斗杓盈陸海茫茫疏勒城

忽報靈泉隨井濞。滿營歌舞拜王明。其十鼯鼠  
從知技已窮。著林飛礮響隨風。鉛丸拾得還殲  
寇。翻為

天朝助火攻。其十天廡飛騰萬騎來。追風已過拂雲  
堆。更番士卒符

神算。恰作奇兵拔壘回。其十六城脣齒扼和闐。一夕降

旗因壘傳。五里何妨迷涿野。轉乘霧霧靖狼煙

其十羣番秉令盡從風。聯部扶攜厥角同。重譯

獻來回字表。喜為臣僕象胥通。其十繡旗乍卷

銳師分。戈壁風沙結暮雲。半夜賊營齊破膽。驚

從天上下將軍。其十腹背交攻攻並力。爪牙盡

挫挫安逃。天風吹蕩蚍蜉陣。伏穴潛藏似犴牢。

其十葉爾奇木。今譯葉爾羌門洞達。哈什哈爾喀。今譯

爾喀城崔巍。此間風景古未識。祇今惟有

天兵來。其十纏頭夾道拜旌旗。涸澤揚沙久赫曦。最

是神奇回造化。雨師今亦逐王師。其十二久傳婦

子望雲霓。今聽歡呼應鼓鼙。跪奉雕盤爭獻果

葡萄。葡萄督比難齊。其十一殊方何幸戴

堯天。從此坤城列市廛。薄賦但教供首着。同文先為易

金錢。其十二勁師分道襲刀環。轉戰經時草木殷。

入夜窮追聲影絕。山頭明月一弓彎。其二萬衆

爭先虜氣消。呼聲天半落盤雕。至今人過伊西

洱。猶覺轟霆撼碧霄。其二舊聞天宇原知向。今

警神鋒不可撓。一一顛顛盡泥首。夜來刁斗靜

無聲。其二陣合將軍飛羽箭。戰酣勇士掣瑠戈。

降戎奉檄皆鷹犬。兔走山前得脫麼。其二殘生

暫保齊那爾。狡窟難尋罕布孩。白鵲旗高函逆

首。都丸親奉凱書來。其二蟻肺蜚肱自不支。親

離衆叛欲何之。輕刀砍陣蹂輕騎。又報分張貳

負尸。其二奏捷星馳絕域書。

御園雲物小陽初。葭灰未動春先到。應瑞花爭四

照舒。其二送喜

璇闈晝正長。共邀

慈福樂時康。武成敬頌無疆壽。錫類同瞻日月光。其三

山川競說方輿記。風土爭傳玉會圖。此日西維

逾二萬。崑崙猶自在東隅。其一默伽樂國舊曾

誇。豈謂還成井底蛙。自此天方增喜色。真教土

字屬

天家。其二旭日曠隴元象開。八紘七政在璇臺。噲斯

納默知欽若。同向奠階奉朔來。其三萬古冰山



雪巘間。盡教職貢附朝班。落梅何處春風笛。一

路筠沖接玉關。其三四獻馘膚功紀泮林。

天章更勒遠山岑。祇看雲漢昭中外。字字唐虞二典心。

其三五功成始仰

廟謨神。測海捫盤見未真。

崇論昭宣聳昧覺。共欽至理析天人。其三六

秦壇琮璧陳

天貺。

清廟圭璋告

大猷。盛典輝煌羣祝嘏。

皇心肅穆自凝麻。其三日麗風暄敞鳳樓。九霄

丹詔瑞雲浮。敷天湛露

恩施溥。奏凱聲中愷澤流。其八駿烈都從

睿斷成。登三咸五總難名。祇今尺筮收天外。歲筭纔看

第五更。其九舞羽橐弓偃六師。策勳飲至拜丹

墀。小臣願譜鳴笳曲。珥筆慚無朱鷺詞。其四

乾隆四十一年平定兩金川

### 高宗純皇帝御製凱歌

廿四中秋夜丑時。木蘭營裏遞紅旗。本來不寐問軍

報。孰謂今宵宛見之。其七千里外路迢迢。向十餘朝

茲八朝。可識衆心同一志。嘉哉行賞自宜昭。其賊巢  
最是勒烏圍。甲雜小連噶喇依。破竹勢成應不日。速  
傳捷信願無違。其行營半夜那來喧。卻是紅旗到敘  
門。五載勤勞同上下。鴻勳集總沐

天恩。其紅鐙一點引紅旗。頃刻行營人盡知。舊部新藩  
同賀喜。古來報捷可如斯。其成言原有付兒行。一見  
紅旗即奏將雖是

慈心早知喜。更馳侍衛報山莊。其一破賊巢飛騎馳。未  
遑詳細盡陳之。將軍宣力應優賜。先示端倪加勉宜。  
其前次受降惟戢斧。今番報捷乃犁庭。敬承

天眷能無慰。未至武成心未寧。其宵衣惟吾理合然喜而不寐那能眠。乃知履齒事誠有。較彼殊猶高下懸。其三捷盼來一月間。此時軍務正相關。執渠埽穴歌耆定。佇待郊臺奏凱還。其甲午桃花寺蹕停。軍書正此俯窗櫺。幸哉今日仍憑處。綠柳中飛一點星。其十勒圖報捷夜行營。重值上

陵晝返程。一刻萬人齊色喜。光明日月永銷兵。其十三穴猶延一月餘。六軍奮勇豈饒渠。周遭火器熾攻處。早爛區區釜底魚。其十旬餘棧驛八朝至。一片紅旗萬馬飛。夾路羣番喜且懼。國之慶也國之威。其十險

惡山川靖。梟獍邪深。機阱絕根株。從今番部都安堵。  
強食姦欺自此無。其五十蠶叢絕險。隱妖氛。百戰功成  
古未聞。鑿鼓冬冬聲凱獻。羌兒稽首送將軍。其六十堅  
礪林立萬重山。破險衝鋒歷盡艱。奏績都資軍將力。  
紅旗一道入桃關。其七十姜維征處號維州。豔羨戎人  
謠語留。今日勒圍為內地。無憂城果是無憂。其八十盼  
捷經冬復入春。垂成偏覺意塵頻。今宵料得方安枕。  
明告慎哉用武人。其九十流離此日穴巢傾。耆定從茲  
可罷兵。歌凱莫教容易聽。五年功幸一朝成。其十二郊  
臺仍是此郊臺。何幸重修盛事來。漫謂數年經契闊。

精神注似日相陪。其一勳臣率拜列靈旗。軍士鳴螺  
赫武儀。樂奏鏡歌行。抱見詰戎。

家法萬年垂。其二己巳班師本受降。庚辰郊勞典鴻龐。

放牛歸馬予素志。凱獻何期此見雙。其三準部回城

定五年。金川小寇亦如前。嘉予將士久敵愾。不覺對

之增惻焉。其四地險加之衆志堅。林礪步步戰而前。

小於昔事難過倍。慰意恆因意憫然。其五鑿穴而居

避火器。終於面縛出蕃城。貪生螻蟻固如此。聚族將

焚語豈誠。其六倏經于役五春秋。棧道崎嶇似坦郵。

夾路花紅復柳綠。阿誰致悔覓封侯。其七脫卻戎衣

換吉衣。龍章示獎特恩稀。同心戮力還掄最。便解天  
閑賜六飛。其二兵洗金川永不波。潢池跋扈竟如何。  
良鄉近遠多黎庶。歡喜都來聽凱歌。其二凱歌亦豈  
易為聞。五歲辛勤勞衆軍。我實未曾安午夜。幾多憂  
慮與平分。其三